



Broj: 04-40-1-185/25
Sarajevo, 05.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 04.07.2025. do 08:30 sati 05.07.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 19 intervencija: gašenje niskog rastinja (6), gašenje kontejnera sa smećem (3), gašenje automobila (1), gašenje teretnog vozila-kamiona (1), jedna tehnička intervencija (otvaranje zaglavljenih vrata stana) i 7 obezbjeđenja pretakanja goriva na sarajevskom Aerodromu.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 04.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Uočene su geološke promjene, uključujući formiranje pukotina usljed atmosferskih uticaja i pucanja tla (na dijelu “Curine njive ispod igrališta” – dio šumskog zemljišta).

U skladu sa Izvještajem o radu Interinstitucionalne radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine, izvršeno je izvođenje drenažnih kanala i kontrolisana odvodnja vode iz tijela klizišta do najbližeg recipijenta. Usljed atmosferskih uticaja prisutna je erozija dijela zemljišta.

Stanje nepromjenjeno – vizuelno isto kao predhodnih dana. Na lokalitetu klizišta stanje je bez značajnijih promjena u odnosu na prethodni dan. Vizuelnim pregledom terena i dalje su uočeni manji dotoci vode koji dolaze iz pravca ispod deponije i ulijevaju se u postojeći drenažni kanal. U donjem dijelu terena,

ispod igrališta, vidljiva je vlaga u tlu, što ukazuje na stalno prisustvo podzemne ili površinske vode. Također, u zoni iznad rasadnika primjetno je zasićenje tla vlagom, što može ukazivati na zadržavanje vode u višim slojevima tla.

U toku ove sedmice prijavljeno je pucanje tri kuće i to dvije u ulici Ablakovina čikma na br. 16 i 28 jedne kuće u ulici Ablakovina na broju 8.

Lokalitet je ocijenjen kao uslovno kritičan zbog geoloških procesa te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Na deponiji Knjeginjac nisu zabilježene značajne promjene u proteklom periodu. Nema znakova dovoza zemljanog ili drugog materijala, što upućuje na stagnaciju aktivnosti na terenu. Površina deponije pokazuje blago osipanje zemlje u pravcu klizišta Curine njive, što može ukazivati na moguće pokrete tla. U donjem dijelu deponije konstantno je prisutna voda, uz jasno vidljivo oticanje i pojavu blatnjavih i plavnih površina, što ukazuje na zadržavanje vlage i neadekvatan drenažni sistem. Trenutno stanje deponije Knjeginjac ukazuje na pasivnost u pogledu sanacije i održavanja. Blago osipanje zemlje i zadržavanje vode predstavljaju potencijalni rizik za dalje narušavanje stabilnosti terena, naročito u zoni klizišta. Neophodno je poduzeti mjere monitoringa i sanacije da bi se spriječile posljedice po okolinu i stabilnost terena.

U skladu sa Izvještajem o radu Interinstitucionalne radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine na predmetnom lokalitetu su izvedeni radovi na drenažnim kanalima, čime se obezbijedila efikasna odvodnja površinskih voda.

Na donjem dijelu deponijskog materijala, stručni tim Instituta za geotehniku i geološko inženjerstvo sa Građevinskog fakulteta u Sarajevu proveo je geotehnička istraživanja tla, uključujući izradu geoloških bušotina, i prikupio podatke potrebne za procjenu svojstava tla i izradio projekt sanacije aktivnog klizišta.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka.

Stanje Bistričkog potoka ostaje bez većih promjena. Iz pravca Trebevića trenutno nema dotoka vode, najvjerovatnije uslijed visokih temperatura i smanjenih padavina. Kod mosta na Boguševcu, gdje se nalazi kaptaža, primjetan je slabiji protok vode, što dodatno potvrđuje smanjeni kapacitet dotoka. U donjem dijelu potoka nema vidljivih prepreka, dok u gornjem dijelu, iznad mosta, i dalje postoje oborena stabla i odronjene stijene. Ove prepreke potiču iz pravca objekta u izgradnji Trebević Hills i već duže vrijeme se nalaze u koritu potoka. Bistrički potok je trenutno u stabilnom, ali smanjenom hidrološkom stanju. Značajne prepreke u gornjem dijelu korita, koje nisu uklonjene, mogu dugoročno ugroziti protok i dovesti do lokalnih zagušenja. Preporučuje se uklanjanje stabala i stijena radi osiguranja nesmetanog proticanja vode, posebno u slučaju jačih padavina. Također je preporučljivo nastaviti s redovnim monitoringom tog područja.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale usljed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

JU Zavod za javno zdravstvo Kantona Sarajevo: Broj oboljelih u Kantonu Sarajevo od Leptospiroze na dan 04.07.2025 godine, prikazana je slijedećoj tabeli:

Ukupan broj oboljelih od Leptospiroze u Kantonu Sarajevo - Stanje	Broj prijavljenih slučajeva Leptospiroza po općinama						
	Novi Grad	Centar	Ilidža	Stari Grad	Novo Sarajevo	Ilijaš	Vogošća
108	75	10	9	5	7	1	1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 22°C, vlažnost zraka 64%, barometarski pritisak 948,2 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja manifestacije "Ilijaški dani 2025", u vremenu od 10:00 do 24:00 sata obustavljen je saobraćaj u ulici 126. Ilijaške brigade.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a